



CONVENIO DE COLABORACIÓN ENTRE A AXENCIA PARA A MODERNIZACIÓN TECNOLÓXICA DE GALICIA, A CONSELLERÍA DE POLÍTICA SOCIAL DA XUNTA DE GALICIA E O CONSORCIO GALEGO DE SERVIZOS DE IGUALDADE E BENESTAR PARA A IMPLANTACIÓN DA HISTORIA SOCIAL ÚNICA ELECTRÓNICA NO CONSORCIO

MEMORIA XUSTIFICATIVA

O director xeral de Inclusión Social da Consellería de Política Social,
DECLARA:

Que esta consellería ten previsto formalizar coa Axencia para a modernización tecnolóxica de Galicia e co Consorcio Galego de Servizos de Igualdade e Benestar o instrumento convencional arriba referido por un período de vixencia que abrangue desde o día da súa sinatura e estenderá a súa vixencia durante catro anos, sen prexuízo de que se acorde polas partes expresamente a súa prórroga, polo mesmo prazo, mediante a subscripción dunha adenda con, a lo menos, dous meses de antelación á data de finalización do prazo de vixencia.

Que o instrumento convencional ten por obxecto: o impulso da posta en funcionamento da Historia Social Única Electrónica no Consorcio Galego de Servizos de Igualdade e Benestar. Por conseguinte, este convenio establece ademais os mecanismos adecuados para asegurar a coordinación e intercambio de información entre as partes asinantes, na súa cláusula terceira.

Que existe converxencia de intereses entre as entidades asinantes en orde á consecución do obxecto referido.





Que o instrumento convencional que se pretende asinar se fundamentan no seguinte:

Conforme o previsto nos artigos 148.1.20^a da Constitución española e 27.23 do Estatuto de autonomía de Galicia, a Comunidade autónoma de Galicia posúe competencia exclusiva en materia de asistencia social. No exercicio da dita competencia ditouse a Lei 13/2008, do 3 de decembro, de servizos sociais de Galicia na que se regulan, como servizo público, os servizos sociais en Galicia como novo pilar do Estado do Benestar, ao tempo que establece os instrumentos de coordinación dos diferentes elementos integrados no sistema e coas restantes políticas públicas sectoriais que inciden na mellora do benestar da cidadanía.

Por isto, o sistema galego do benestar estrutúrase en forma de rede, con diversos niveis e subniveis de actuación, entre eles, os servizos sociais comunitarios (tanto básicos como específicos, de competencia principalmente municipal) e os servizos sociais especializados (de competencia autonómica). Para o axeitado funcionamento da dita rede é de singular importancia o respaldo normativo a un sistema unificado de información básica sobre as persoas usuarias, de xeito que os profesionais técnicos e os xestores do sistema doten as súas intervencións dunha maior coherencia, eficacia e acción coordinada para a consecución de obxectivos comúns ou de actuación conxunta para o fin de alcanzar a continuidade e complementariedade das intervencións que deban aplicarse desde os diferentes niveis de actuación.

Así, o artigo 16 da Lei 13/2008, do 3 de decembro, atribúe a Xunta de Galicia a creación, xestión, mantemento e actualización da Historia Social Única Electrónica e para posibilitar o seu desenvolvemento o mesmo artigo dispón que as distintas entidades integradas no sistema galego de servizos sociais





deberán incorporar a HSUE a información e os documentos que a conforman, nos termos regulamentariamente establecidos (desenvolvemento levado a cabo polo Decreto 89/2016, do 30 de xuño, polo que se regula a creación, uso e o acceso á historia social única electrónica e no que se establece a súa xestión mediante o sistema de información denominado HSUE).

O Consorcio Galego de Servizos de Igualdade e Benestar foi a fórmula xurídica para o desenvolvemento da cooperación interadministrativa en materia de servizos de igualdade e benestar e o medio para garantir unha prestación de servizos sociais de ámbito local de calidade e con niveis suficientes de cobertura.

Así, o Consorcio xestiona diversos recursos do benestar:

- a [rede de centros de atención as persoas maiores e á dependencia](#) (centros de día, fogares residenciais e vivendas comunitarias),
- o programa de comida a domicilio “[Xantar na Casa](#)” que facilita o benestar e a atención social a persoas maiores, dependentes e/ou en risco de exclusión,
- a rede de centros para a xuventude, a dos “[Centros Quérote](#)”,
- a rede comarcal de equipos de inclusión sociolaboral (e outro no centro penitenciario de Teixeiro) para o deseño de itinerarios personalizados para a loita contra a pobreza e a exclusión social e laboral, en base á [Estratexia de Inclusión Social de Galicia 2014-2020](#),
- a [rede galega de escolas infantís](#) “Galiña Azul”, como proxecto educativo de calidade para nenos de entre tres meses e tres anos co obxecto de permitir a conciliación da vida laboral e persoal da cidadanía galega,





- o Centro de emerxencia para mulleres vítimas de Violencia de Xénero e, de ser o caso, os recursos para a prevención e o tratamento da violencia de xénero que lle puideran ser encomendados.

Neste contexto, o Consello da Xunta de Galicia aprobou no mes de outubro de 2013 o *Plan Trabe para a modernización tecnolóxica dos servizos sociais*, integrando as TIC na xestión destes servizos cos obxectivos de alcanzar a cohesión territorial dende a perspectiva tecnolóxica, de garantir a sustentabilidade do sistema e incrementar a súa capacidade para dar cobertura a unha demanda de atención en aumento, sendo unha das claves do plan a creación dun sistema integrado de intercambio de información, denominado Historia Social Única Electrónica.

Como consecuencia de todo o exposto e en atención ao obxectivo último de alcanzar unha Administración pública galega coordinada, cohesionada, interrelacionada e interoperable; en definitiva, eficiente e útil de cara a todos os cidadáns, é de interese de todas as partes asinantes aprobar un marco estable de colaboración na materia indicada, a fin de dar cumprimento ás prescricións legais en vigor e ás que poidan derivarse de normativas futuras tanto a nivel autonómico como estatal.

Que o dito convenio é acorde ao espírito que informa a Lei 40/2015, do 1 de outubro, de réxime xurídico do sector público sobre as relacións que deben rexer as relacións entre as administracións públicas e entre estas e os organismos ou entidades vinculados e dependentes así como co disposto no artigo 127.1 b) da Lei 4/2019, do 17 de xullo, de administración dixital de Galicia sobre intercambio de datos, informacións e documentos entre administracións públicas.

A utilización da figura do convenio de colaboración xustifícase, neste caso, pola especial natureza do seu obxecto que consiste nun marco de colaboración





estable que non implica custo económico ningún para a Administración xeral da Xunta de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a formalización dun contrato dos contemplados na Lei 9/2017, do 8 de novembro, do contratos do sector público ou doutro instrumento alleo á natureza estritamente convencional.

En atención ao exposto, e co fin de darlle cumprimento ao preceptuado no artigo 15.2. da Lei 1/2016, do 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria.

Santiago de Compostela, á data da sinatura dixital.

O director xeral de Inclusión Social

Arturo Parrado Puente

